

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-789/22
Vareš, 11.04. 2022. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 64/13), člana 15. Odluke o utvrđivanju standarda i kriterija za konačna imenovanja na pozicije u regulirane organe broj: 01-149/20 od 29.10.2020, Općinski načelnik objavljuje

J A V N I O G L A S
za izbor i imenovanje predsjednika i članova skupština
Javnih preduzeća čiji je osnivač Općina Vareš

I. Predmet javnog oglasa

Izbor i imenovanje na pozicije predsjednika i članova Skupština javnih preduzeća:

1. Javno komunalno preduzeće d.o.o. Vareš.....predsjednik i 6 članova
(2 člana iz reda zaposlenih u Jedinostvenom općinskom organu uprave Općine Vareš i 5 predstavnika mjesnih zajednica (1 predstavnik gradske MZ i 4 predstavnika seoskih MZ)
2. JP „Vareš - stan“ d.o.o. Vareš predsjednik i 2 člana
(1 član iz reda zaposlenih u Jedinostvenom općinskom organu uprave Općine Vareš, 1 član iz MZ Vareš i 1 član iz MZ Vareš Majdan iz reda etažnih vlasnika)
3. JP „Veterinarska stanica“ d.o.o. Vareš predsjednik i 2 člana
(3 člana iz reda zaposlenih u Jedinostvenom općinskom organu uprave Općine Vareš)

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



II. Opis pozicije

Skupština preduzeća je nadležna da:

- donosi Statut i izmjene i dopune Statuta;
- donosi Etički kodeks, poslovnik i druge opće akte na prijedlog Nadzornog odbora;
- odlučuje o povećanju i smanjenju osnovnog kapitala;
- usvaja godišnji izvještaj preduzeća, koji uključuje finansijski izvještaj i izvještaj revizora, Nadzornog odbora i Odbora za reviziju;
- odlučuje o rasporedu dobiti;
- odlučuje o načinu pokrića gubitka;
- odlučuje o osnivanju i kupovini drugih preduzeća, spajanju s drugim i pripajanju drugih društava preduzeću uz saglasnost osnivača;
- odlučuje o promjeni oblika i podjeli preduzeća uz saglasnost osnivača;
- odlučuje o izboru i razrješenju članova Nadzornog odbora;
- odlučuje o izboru vanjskog revizora i izboru i razrješenju članova odbora za reviziju;
- odlučuje o poslovniku o radu Skupštine, Nadzornog odbora i Odbora za reviziju;
- odlučuje o ostvarivanju zahtjeva javnog preduzeća prema članovima uprave i Nadzornog odbora u vezi sa naknadom štete nastale pri osnivanju ili vođenju poslova javnog preduzeća;
- odlučuje o zastupanju javnog preduzeća u sudskim postupcima koji se vode protiv članova uprave društva ili eventualnim postupcima protiv članova drugih organa javnog preduzeća;
- odlučuje o naknadama članova Nadzornog odbora i odbora za reviziju;
- podnosi Općinskom vijeću izvještaj o radu i poslovanju javnog preduzeća najmanje jednom godišnje;
- odlučuje i o drugim pitanjima utvrđenim zakonom i statutom javnog preduzeća.

III. Mandat

Imenovanja u regulirane organe vrši se na period od četiri (4) godine, uz mogućnost ponovnog izbora, a najviše dva mandata uzastopno.

Predsjednik i članovi skupštine javnog preduzeća imaju pravo na naknadu za svoj rad, koja je utvrđena aktima Javnih preduzeća. Naknade će se isplaćivati iz sredstava javnih preduzeća.

IV. Uslovi za pozicije

Svi kandidati moraju ispunjavati opće i posebne uslove.

Opći uslovi:

- a.) da su državljani Bosne i Hercegovine;
- b.) da su stariji od 18 godina;
- c.) da nisu otpušteni iz državne službe kao rezultat disciplinske mjere na bilo kojem nivou vlasti u BiH, u periodu od tri godine od dana objavljivanja oglasa;
- d.) da nisu pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine);
- e.) da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH;
- f.) da nemaju privatni / finansijski interes u javnom preduzeću u kojoj se kandiduju;

- g.) da nisu članovi organa zakonodavne, izvršne ili sudske vlasti ili savjetnik u smislu odredbi Zakona o sukobu interesa u tijelima vlasti FBiH ako se radi o konačnom imenovanju u organe javnih preduzeća;
- h.) da nisu osuđivani za krivična djela i za privredni prestup nespojive s dužnošću u instituciji - pravnom subjektu u kojem se kandiduju 5 godina od dana pravosnažnosti presude isključujući vrijeme zatvorske kazne;
- i.) da nisu lica kojima je pravosnažnom presudom suda zabranjeno obavljanje aktivnosti u nadležnoj instituciji - pravnom subjektu u kojoj se kandiduju.

Posebni uslovi:

- a.) da imaju najmanje srednju stručnu spremu;
- b.) da imaju radno iskustvo od najmanje 5 godina za srednju stručnu spremu, odnosno najmanje 3 godine ako imaju višu ili visoku stručnu spremu;
- c.) da nisu predsjednici ili članovi nadzornog ili upravnog odbora u drugom pravnom licu sa većinskim državnim kapitalom;
- d.) komunikativne i kreativne sposobnosti za savjesno, odgovorno i odlučno vođenje upražnjenih pozicija;
- e.) sposobnost nepristranog donošenja odluke;
- f.) prilagodljivost timskom radu;
- g.) sposobnost tumačenja ekonomskih, tehnoloških i pravnih analiza i propisa;
- h.) rezultati rada ostvareni tokom prethodnog radnog angažovanja;
- i.) preporuke ranijih neposrednih rukovodilaca;
- j.) poželjno poznavanje stranih jezika prema prirodi posla koje treba obavljati.

Prilikom izbora uzet će se u obzir priznanja i rezultati koje su kandidati do sada stekli, te će se voditi računa o spolnoj i nacionalnoj strukturi izabranih kandidata.

V. Potrebni dokumenti

Kandidati koji se prijavljuju na pozicije predsjednika i članova skupština javnih preduzeća čiji je osnivač Općina Vareš dužni su uz prijavu na oglas priložiti sljedeću dokumentaciju.

- a.) kraću biografiju;
- b.) uvjerenje o državljanstvu (original ili ovjerenu kopiju);
- c.) ovjerenu kopiju diplome
- d.) uvjerenje da se ne vodi krivični postupak (original ili ovjerenu kopiju) ne starije od tri mjeseca; (dostaviti po konačnom imenovanju)
- e.) uvjerenje da nisu osuđivani za krivično djelo ili privredni prestup (original ili ovjerenu kopiju) ne starije od 3 mjeseca; (dostaviti po konačnom imenovanju)
- f.) potvrdu o radnom stažu;
- g.) potvrda (CIPS) o prebivalištu za kandidate Skupština pod brojem 1. i 2. tačka I.
- h.) uvjerenje o zaposlenosti u Jedinственном općinskom organu Općine Vareš (za kandidate u Skupštine pod brojem 1., 2. i 3. tačke I.)
- i.) preporuku ranijih neposrednih rukovodilaca;
- j.) ovjerenu izjavu kojom se dokazuju opći uslovi tačke (c,d,e, f, g, i) i posebni uslovi (tačka c).

VI. Ostale napomene

Dokaz da kandidat nije osuđivan za krivično djelo i za privredni prestup nespojive sa dužnošću u instituciji-pravnom subjektu u kojem se kandiduje, pet (5) godina od dana pravosnažnosti presude isključujući vrijeme zatvorske kazne (**pod tačkom „h“)** **općih uslova iz oglasa**, službeno će se zatražiti za kandidate koji budu predloženi za konačno imenovanje.

Oglas za podnošenje prijava ostaje otvoren 15 dana od dana objavljivanja oglasa i računa se od datuma posljednje objave.

Podnosioci prijave u prijavi na oglas obavezno trebaju navesti Skupštinu javnog preduzeća u koju se prijavljuju.

Podnosioci prijava s kojima se ne stupi u kontakt u roku od 8 (osam) dana od isteka roka za podnošenje prijava neće biti razmatrani u daljem procesu imenovanja.

Svi kandidati koji budu stavljeni na listu sa užim izborom biće pozvani na intervju pred Komisijom za izbor u regulirane organe. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi mogli dovesti do sukoba interesa u slučaju da dođe do njegovog imenovanja.

Obrasci se mogu popuniti neposredno prije intervjuja.

Nakon intervjuja Komisija će putem pisane preporuke predložiti rang - listu sa najboljim kandidatima i dostaviti ovlaštenom javnom službeniku – Općinskom vijeću.

Bilo koji kandidat ili bilo koje drugo lice - član javnosti može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije BiH.

Prigovor na konačna imenovanja podnosi se ovlaštenom javnom službeniku – Općinskom vijeću, a kopija se dostavlja Ombudsmenu BiH.

Javni oglas će biti objavljen u Službenim novinama FBiH, u jednom sredstvu javnog informisanja koji izlazi na području Bosne i Hercegovine, na web stranici Općine Vareš, na oglasnoj tabli Općine Vareš i na oglasnim tablama javnih preduzeća.

Nepotpune i neblagovremene prijave neće se uzimati u razmatranje.

Prijave za Javni oglas dostaviti u zatvorenoj koverti sa naznakom:

**„JAVNI OGLAS ZA IZBOR I IMENOVANJE
PREDSJEDNIKA I ČLANOVA SKUPŠTINA
JAVNIH PREDUZEĆA ČIJI JE OSNIVAČ
OPĆINA VAREŠ - NE OTVARAJ“**

na slijedeću adresu:

**KOMISIJA ZA IZBOR U REGULIRANE ORGANE
OPĆINSKOG VIJEĆA VAREŠ
Ulica: Zvijezda br. 34
71330 VAREŠ**

OPĆINSKI NAČELNIK

Zdravko Marošević

